

ta domo, ubi iuxta aphorismum de primo domino triplicitatis octauæ domus, natus debuisset mori in diuitijs & honore, qui tamen fuit suspensus, eo quòd potiores significatores mortis aliud promiserunt &c.

Prima domus, significat nutritionem, uitam, ac dispositionem cum esse corporis & ualitudinem & uirtutem, seu debilitatem eius in sanitate & ægritudine, complexionem, & mores animi.

Primus dominus triplicitatis primæ huius domus, est significator uitæ. Si fuerit fortuna, & fuerit in ascendente, uel in decima domo, in domicilio, uel exaltatione sua, aut in alia sua dignitate, fortunis aspicientibus & recipientibus eum, significat bonam nutritionem, longam uitam, corporis sanitatem, & foelix senium, Si peregrinus & infortunatus, uel cadens, contrarium erit.

Secundus dominus triplicitatis, est significator status fortunæ uel miserie eius, qui si fuerit in bono statu, uel fortuna per existentiam & potentiam significat quòd natus erit in bono complemento, & boni status & fortunæ, altus, suæ progeniei conueniens, nominatus alti nominis, qui etiam seruiantes habebit. Si debilis fuerit, significat contrarium.

Si fuerit tertius dominus triplicitatis in bono statu, & fortunatus, natus erit quietus, paucorum itinerum, uitiosus in loco & gente sua, cui quiete adueniet uictus suus. Si fuerit male dispositus, significat contrarium.

Pars uitæ significatrix est status corporis, si fuerit in bono esse, ac loco fortunata, longam uitam significabit, salutem corporis, & hilaritatem spiritus. Si in malo statu fuerit, contrarium significat.

Pars Hylech, dominus termini in quem peruenerit illa pars, erit significator uitæ in natiuitatibus non habentibus Hylech. Et si dominus termini eius fuerit cum ea, cum aspexerit eam, erit Alchocoden.

Pars futurorum siue Celati, ab hac parte scitur qualitas religionis, & à domino ipsius partis. Quando Sol hanc partem aspexerit, paucos filios significat, uel quod filij separabuntur à patre. Et si aspexerit eam Iupiter, significat quòd natus ille erit prædicator legis diuinæ, ac iustus & bonus. Sed si aspectus Ille fuerit quadratus, non credet quod prædicat, Et si fuerit in angulis, natus erit firmus & constans in lege, quam tenet, nec dubitabit in ea. Et si dominus partis fuerit receptus aspiciens eam, procedet rectis tramitibus, erit perfectus, bonitatem amabit & legem ueridicam. Si non fuerit receptus, & fortunæ eum aspexerint, cadentibus infortunis ab eodem, ostendet natus bona & pulchra facta, tamen facta non faciet conuenientia ueritati nec bono. Et si dominus partis retrogradus & infortunatus fuerit, natus legem suam mutabit. Cauda cum parte hac, aut Cauda per se in nona, damnat legem. Hæc pars infortunata, damnat legem. Si autem fuerit in nona salua, erit iustus & religiosus. Quando dominus huius partis sub radijs fuerit non impedit eum, & si fuerit in angulo erit melius. Si pars hæc fuerit in Capricorno, natus erit grauis, ordinatus, sapiens, & fortium membrorum. Et si ceciderit in Leonem, Arietem, Taurum, uel Scorpionem, natus erit perfidiosus.

Pars stabilitatis ostendit formam nati, quæ si fortunata fuerit cum domino eius, dabunt nato pulchram formam sine macula, prosperitatem in itineribus. Et si pars hæc adhæserit significatori patris, natus assimilatur patri. Si significatori matris, matri.

Pars audaciæ, significat potentiam, ualitudinem, deceptionem, proditorem, audaciam, impetuositatem, latrocinia, interfectionem, militiam. Vide in quem locus cum natiuitatis hæc cadit, & quem aspectum habeat cum Almuten ascendentis, & iudica sicut in alijs partibus &c.

Z De